

**ხ ე ლ შ ე კ რ უ ლ ე ბ ა**  
სახელმწიფო შესყიდვის შესახებ N252  
(კონსოლიდირებული ტენდერი CON190000183)

ქ. თბილისი

08 აპრილი 2019 წელი

ერთის მხრივ საქართველოს შინაგან საქმეთა სამინისტრო (მის: ქ. თბილისი, გია გულუას ქუჩა N8, საბანკო რეკვიზიტები: სახელმწიფო ხაზინა, კოდი - TRESGE22, საიდ. კოდი - 204383176, შემდგომში „შემსყიდველი“, წარმოდგენილი მისი შსს ეკონომიკური დეპარტამენტის დირექტორის თაო მელაძის სახით და მეორეს მხრივ, შპს „კავკასია პლიუსი“ საიდენტიფიკაციო კოდი: 205083201; მისამართი, ტელეფონი: ქ. თბილისი, ბელიაშვილის ქუჩის გაგრძელება; ტელ: +99532964038; ელ.ფოსტა: [caucasusplus@gmail.com](mailto:caucasusplus@gmail.com); საბანკო რეკვიზიტები: პროკრედიტ ბანკი; ბანკის კოდი: MIBGGE22; ა/ა: GE43PC0133600100064251) შემდგომში „მიმწოდებელი“, წარმოდგენილი მისი დირექტორის თენგიზ კანდელაკიშვილის სახით, „სახელმწიფო შესყიდვების შესახებ“ საქართველოს კანონის (შემდგომში - კანონი) 20<sup>2</sup> მუხლის, სახელმწიფო შესყიდვების სააგენტოს თავმჯდომარის 2018 წლის 14 დეკემბრის N14 ბრძანებით დამტკიცებული სხვადასხვა საკვები პროდუქტების კონსოლიდირებული ტენდერის ჩატარების წესისა და პირობების, აგრეთვე „2019 წლის განმავლობაში სხვადასხვა საკვები პროდუქტების შესყიდვის კონსოლიდირებული ტენდერების მეშვეობით განხორციელების თაობაზე“ საქართველოს მთავრობის 2018 წლის 04 დეკემბრის №2296 განკარგულების საფუძველზე, სხვადასხვა საკვები პროდუქტების 2019 წლის კონსოლიდირებული ტენდერის (CON190000183) - შემდგომში კონსოლიდირებული ტენდერი) შედეგად, ვდებთ წინამდებარე ხელშეკრულებას შემდეგზე:

**1. ხელშეკრულებაში გამოყენებულ ტერმინთა განმარტებები**

- 1.1. ხელშეკრულება სახელმწიფო შესყიდვის შესახებ (შემდგომში - „ხელშეკრულება“) - შემსყიდველსა და მიმწოდებელს შორის დადებული წინამდებარე ხელშეკრულება, თანდართული ყველა დოკუმენტით, რომელიც ხელმოწერილია მხარეთა მიერ.
- 1.2. ხელშეკრულების ღირებულება - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულების სრული და ზედმიწევნით შესრულებისათვის.
- 1.3. დღე, კვირა, თვე - კალენდარული დღე, კვირა, თვე, თუ წინამდებარე ხელშეკრულებით ან/და სატენდერო დოკუმენტაციით სხვა რამ არ არის განსაზღვრული.
- 1.4. შემსყიდველი - ორგანიზაცია, რომელიც ახორციელებს შესყიდვას.
- 1.5. მიმწოდებელი - პირი, რომელიც ახორციელებს საქონლის მიწოდებას ხელშეკრულების ფარგლებში.
- 1.6. საქონელი - ხელშეკრულების მე-2 მუხლით გათვალისწინებული ხელშეკრულების საგანი.
- 1.7. სატენდერო კომისია – „2019 წლის განმავლობაში სხვადასხვა საკვები პროდუქტების შესყიდვის კონსოლიდირებული ტენდერების მეშვეობით განხორციელების თაობაზე“ საქართველოს მთავრობის 2018 წლის 04 დეკემბრის №2296 განკარგულების საფუძველზე შექმნილი სატენდერო კომისია.
- 1.8. სატენდერო დოკუმენტაცია - 2019 წლის 04 მარტს გამოცხადებული საკვები პროდუქტის საქონლის ხორცის პაშტეტის 2019 წლის კონსოლიდირებული ტენდერის (CON190000183) სატენდერო დოკუმენტაცია, რომელიც შესაძლოა დანართის სახით ფიზიკურად არ დაერთოს წინამდებარე ხელშეკრულებას, მაგრამ წარმოადგენს მის განუყოფელ ნაწილს.
- 1.9. „ფორსმაჟორი“ - „მხარეები“ - სათვის გადაულახავი და მათი კონტროლისაგან დამოუკიდებელი გარემოებები, რომლებიც არ არიან დაკავშირებულნი „შემსყიდველისა“ და/ან „მიმწოდებლის“ შეცდომებსა და დაუდევრობასთან, და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, საომარი მოქმედებებით, სტიქიური მოვლენებით, ეპიდემით, კარანტინით და სხვა მოვლენით, რომელიც შეუძლებელს ხდის ხელშეკრულებით ნაკისრი ვალდებულების შესრულებას ან/და იწვევს არათანაზომიერად დიდ ხარჯებს მათ შესასრულებლად.

**2. ხელშეკრულების საგანი და ძირითადი პირობები**

- 2.1. წინამდებარე ხელშეკრულების საგანია საქონლის ხორცის პაშტეტის შესყიდვა (CPV კოდი: 15100000 - ცხოველური წარმოშობის პროდუქტები, ხორცი და ხორცის პროდუქტები (15131000 - ხორცის კონსერვები და პროდუქტები)) სსიპ სახელმწიფო შესყიდვების სააგენტოს ვებ-გვერდზე გამოქვეყნებული CON190000183 სატენდერო

დოკუმენტაციით, დანართებით, მიმწოდებლის სატენდერო წინადადებით გათვალისწინებული პირობებითა და ტარიფებით.

2.2. შესასყიდი საქონლის საორიენტაციო რაოდენობა ფასების ცხრილის (**დანართი N1**) შესაბამისად.

2.3. ხელშეკრულებაში მითითებული შესასყიდი საქონლის რაოდენობა საორიენტაციოა და შესაძლებელია შეიცვალოს (გაიზარდოს ან შემცირდეს შემსყიდველის მოთხოვნის შესაბამისად) ხელშეკრულების მოქმედების პერიოდში

2.4. მიმწოდებლის მიერ მოსაწოდებელი სურსათი უნდა აკმაყოფილებდეს საქართველოს კანონმდებლობით დადგენილ მოთხოვნებს. მათ შორის:

2.4.1. ორგანოლეპტიკური, ფიზიკო-ქიმიური, მიკრობიოლოგიური და სანიტარულ ჰიგიენური მაჩვენებლებით პარამეტრების მნიშვნელობა უნდა შეესაბამებოდეს საქართველოში მოქმედი სურსათის უვნებლობისა და უსაფრთხოების ნორმებს.

2.4.2. უნდა იყოს სათანადო ეტიკეტირებული ადამიანის სიცოცხლის, ჯანმრთელობისა და მომხმარებელთა ეკონომიკური ინტერესების დაცვის უზრუნველსაყოფად. ეტიკეტირება უნდა შეესაბამებოდეს საქართველოს მთავრობის 2016 წლის პირველი ივლისის N301 დადგენილებით დამტკიცებული „მომხმარებლისათვის სურსათის შესახებ ინფორმაციის მიწოდების თაობაზე“ ტექნიკური რეგლამენტის მოთხოვნებს.

2.4.3. უნდა აკმაყოფილებდეს საქართველოს მთავრობის 2014 წლის 15 იანვრის N72 დადგენილებით დამტკიცებული „სურსათთან დაკავშირებული ტარის სანიტარულ-ჰიგიენური ნორმების დამტკიცების წესის შესახებ“ ტექნიკური რეგლამენტით განსაზღვრულ მოთხოვნებს სასურსათო პროდუქტის შესაფუთ მასალებსა და ნაკეთობებში ქიმიურ ნივთიერებათა საკონტროლო მაჩვენებლებისა და მიგრაციის დასაშვებ რაოდენობას, რომელიც ზიანს არ აყენებს სურსათს და უვნებელია ადამიანის ჯანმრთელობისათვის.

2.4.4. უნდა აკმაყოფილებდეს საქართველოს მთავრობის 2015 წლის 10 ნოემბრის N581 დადგენილებით დამტკიცებული „სურსათის მიკრობიოლოგიური მაჩვენებლების შესახებ“ ტექნიკური რეგლამენტით დადგენილ მოთხოვნებს, ადამიანის სიცოცხლისა და ჯანმრთელობის უზრუნველყოფის მიზნით, სურსათის უვნებლობასთან და მიკრობიოლოგიურ რისკებთან მიმართებაში.

2.4.5. უნდა აკმაყოფილებდეს საქართველოს მთავრობის 2010 წლის 25 ივნისის N173 დადგენილებით დამტკიცებული „სურსათის/ცხოველის საკვების ჰიგიენის ზოგადი წესისა“ და „სურსათის/ცხოველის საკვები ჰიგიენის გამარტივებული წესის“ შესახებ ტექნიკური რეგლამენტით დადგენილ მოთხოვნებს, სურსათის/ცხოველის საკვების წარმოების მათ შორის პირველადი წარმოების, გადამუშავებისა და დისტრიბუციის ყველა ეტაპზე.

2.4.6. უნდა აკმაყოფილებდეს „სასურსათო ნედლეულისა და კვების პროდუქტების ხარისხისა და უსაფრთხოების სანიტარული წესებითა და ნორმებით“ (დამტკიცებულია საქართველოს შრომის, ჯანმრთელობისა და სოციალური დაცვის მინისტრის 2001 წლის 16 აგვისტოს N301/6 ბრძანებით) განსაზღვრულ ჰიგიენურ მოთხოვნებს საკვები პროდუქციის დამუშავების ეტაპებზე და წარმოებაში პროდუქციის ახალი სახეობის ჩაშვების, მისი გადამუშავების, წარმოების, შენახვის, ტრანსპორტირების, შესყიდვის, ქვეყანაში შემოტანისა და რეალიზაციის დროს (შემდგომში – საკვები პროდუქციის მიმოქცევისას).

2.4.7. უნდა აკმაყოფილებდეს საქართველოს მთავრობის 2015 წლის 9 ნოემბრის №567 დადგენილებით დამტკიცებული „სურსათში ზოგიერთი დამაბინძურებლის (კონტამინანტის) მაქსიმალურად დასაშვები ზღვრის შესახებ“ ტექნიკური რეგლამენტით განსაზღვრულ ნორმებს.

2.4.8. მოწოდებისას დაცული უნდა იყოს სანიტარულ-ჰიგიენური ნორმები. ზაფხულის პერიოდში მოწოდება სამაცივრე მანქანით, სადაც დაცული იქნება ტემპერატურული რეჟიმი

### 3. ხელშეკრულების ღირებულება

3.1. ხელშეკრულების ღირებულებაა **109900 (ასცხრა ათას ცხრაასი)** ლარი.

3.2. ხელშეკრულების ღირებულება მოიცავს, როგორც მისაწოდებელი საქონლის ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს

### 4. საქონლის მიწოდების ადგილი და ვადა

4.1. საქონლის მიწოდების ადგილია ქ. თბილისი, ქიზიყის ქ. N5

4.2. საქონლის მიწოდება უნდა განხორციელდეს ეტაპობრივად ხელშეკრულების გაფორმებიდან 2020 წლის 31 იანვრის ჩათვლით, წინამდებარე ხელშეკრულებაზე თანდართული ფასების ცხრილის (დანართი N1) შესაბამისად

4.3. შემსყიდველი ორგანიზაცია უფლებამოსილია, ხელშეკრულების მიმდინარეობის პერიოდში არაუმეტეს თვეში ერთხელ, განხორციელოს დამატებითი მოთხოვნა საქონლის მიწოდებასთან დაკავშირებით. მიმწოდებელი ვალდებულია საქონლის მოწოდება განახორციელოს ასეთი მოთხოვნის დაფიქსირებიდან 3-15 დღეში, შემსყიდველის

მოთხოვნის შესაბამისად. ხოლო, მიმწოდებელი, თავის მხრივ, ვალდებულია დააკმაყოფილოს შემსყიდველის მოთხოვნა.

**4.4.** დანართი N1-ში მითითებული რაოდენობები საორიენტაციო ხასიათისაა და ემსახურება მიმწოდებლის ინფორმირებასა და მიწოდების პირობების (ლოჯისტიკის შესაძლებლობების) შეფასებას

**4.5.** შესყიდვის ობიექტის მიწოდება განხორციელდება დანართი N1-ის შესაბამისად.

## 5. მხარეთა უფლება-მოვალეობები

### 5.1. მიმწოდებელი ვალდებულია

ა) საკუთარი ხარჯებით, უზრუნველყოს ხელშეკრულებით გათვალისწინებული საქონლის შეუფერხებლად მიწოდება; ამასთან, იგი იძლევა გარანტიას, რომ საქონელი შეესაბამება წინამდებარე ხელშეკრულებითა და საქართველოს კანონმდებლობით განსაზღვრულ მოთხოვნებს და საქონელი იქნება მიწოდებული სათანადო მდგომარეობაში, შეფუთვა არ იქნება დაზიანებული, ხოლო წარწერები საქონელსა და ეტიკეტებზე იქნება კითხვადი (ასეთის არსებობის შემთხვევაში).

ბ) სათანადო გულისხმიერებითა და პასუხისმგებლობით ითანამშრომლოს შემსყიდველ ორგანიზაციასთან, განიხილოს მისი მოსაზრებები, პრეტენზიები და მიაწოდოს მოტივირებული წერილობითი პასუხი ყველა საკითხზე.

გ) იმ შემთხვევაში, თუ ვერ ახერხებს საქონლის მიწოდებას დროულად, გულისყურით ითანამშრომლოს შემსყიდველ ორგანიზაციასთან, აცნობოს მას შეფერხების მიზეზი და შექმნილი პრობლემის აღმოფხვრის საბოლოო ვადა.

დ) ხელშეკრულების მოქმედების ნებისმიერ ეტაპზე, ასევე მოქმედების დასრულების შემდეგაც, აღმოჩენილი ხარვეზის ან/და ნაკლის გამოვლენის შემთხვევაში მიმწოდებელი ვალდებულია 3 (სამი) სამუშაო დღის ვადაში მიწოდებული საქონელი შეცვალოს ახლით, შემსყიდველის მხრიდან დამატებითი დანახარჯების გაწევის გარეშე.

ე) მჭიდროდ ითანამშრომლოს შემსყიდველ ორგანიზაციასთან საქონლის მიწოდების განრიგის, სიხშირის, მიწოდების ადგილისა და თითოეულ მისამართზე მისაწოდებელი პროდუქტის რაოდენობის დაზუსტების მიზნით.

ვ) უზრუნველყოს საქონლის ტრანსპორტირებისათვის განკუთვნილი სატრანსპორტო საშუალებების ტექნიკურად გამართულ, სუფთა მდგომარეობაში ყოფნა და ისინი უნდა პასუხობდნენ ჰიგიენურ ნორმებს და იყვნენ ვარგისნი განსაზღვრული კატეგორიის საქონლის ტრანსპორტირებისთვის.

ზ) შემსყიდველ ორგანიზაციაში დოკუმენტის უცხოურ ენაზე წარდგენის შემთხვევაში, მას დაურთოს საქართველოს კანონმდებლობით დადგენილი წესით შესრულებული თარგმანი ქართულ ენაზე. შემსყიდველი უფლებამოსილია, მოსთხოვოს მიმწოდებელს შესაბამისი დოკუმენტის ორიგინალის ან/და ნოტარიულად დამოწმებული ასლის წარმოდგენა, რომლითაც შესაძლებელი იქნება წარმოდგენილი დოკუმენტების ნამდვილობის დადასტურება;

თ) უზრუნველყოს სატენდერო დოკუმენტაციითა და შემსყიდველთან გაფორმებული ხელშეკრულებით გათვალისწინებული სხვა ვალდებულებების შესრულება.

### 5.2. შემსყიდველი ვალდებულია:

ა) დაიცას მიწოდებულ პროდუქციის ეტიკეტზე დატანილი (ასეთის არსებობის შემთხვევაში) და საქართვლოს კანონმდებლობით დადგენილი პროდუქციის შენახვის წესები.

ბ) უზრუნველყოს ხელშეკრულების შესრულების კონტროლი.

გ) შეასრულოს ხელშეკრულებითა და სატენდერო დოკუმენტაციით დაკისრებული ვალდებულებები.

დ) სათანადო გულისხმიერებითა და პასუხისმგებლობით ითანამშრომლოს მიმწოდებელთან, განიხილოს მისი მოსაზრებები, პრეტენზიები და მიაწოდოს მოტივირებული წერილობითი პასუხი ყველა საკითხზე.

## 6. ხელშეკრულების შესრულების კონტროლი და საქონლის მიღება-ჩაბარების წესი

6.1. შემსყიდველის მიერ საქონლის მიწოდების ვადების, ხარისხისა და მოცულობის ხელშეკრულების მოთხოვნებთან შესაბამისობის დადგენა და ხელშეკრულების პირობების შესრულების კონტროლი ხორციელდება პერიოდულად, როგორც საქონლის მიწოდების დროს, ისე ამ ხელშეკრულების მოქმედების მთელი პერიოდის განმავლობაში შემსყიდველის მოთხოვნათა შესაბამისად

**6.2.** ხელშეკრულების პირობების შესრულების კონტროლზე და მიღება-ჩაბარების აქტის გაფორმებაზე შემსყიდველის მხრიდან გამოყოფილი იქნება/იქნება/ შესაბამისი უფლებამოსილი პირ(ები) კერძოდ, შინაგან საქმეთა სამინისტროს თანამშრომლები კერძოდ, შსს ლოჯისტიკის დეპარტამენტის მარაგებით უზრუნველყოფის სამმართველოს მარაგების უზრუნველყოფის სამსახურის კვების პროდუქტების უზრუნველყოფის განყოფილების მთავარი სპეციალისტები მ.ჭელიძე და/ან წამყვანი სპეციალისტი ი. ჩოქური.

**ხოლო** მიღება-ჩაბარების აქტების გაფორმებაზე უფლებამოსილ პირებს წარმოადგენს კერძოდ, შსს ლოჯისტიკის დეპარტამენტის მარაგებით უზრუნველყოფის სამმართველოს მარაგებით მართვის სამსახურის უფლებამოსილი პირი;

- 6.3.** შემსყიდველი უფლებამოსილია უარი განაცხადოს ხელშეკრულების პირობების დარღვევით მიწოდებული საქონლის ნაწილის ან მთლიანი მოცულობის მიღებაზე
- 6.4.** ხარისხის დადგენილ სტანდარტებთან შესაბამისობის განსაზღვრის მიზნით, მიმწოდებელი ვალდებულია უზრუნველყოს შემდეგი ვალდებულებების შესრულება კერძოდ:
- 6.4.1.** იმპორტირებული პროდუქტის მოწოდების შემთხვევაში მიმწოდებელი ვალდებულია ყოველ მოწოდებულ პარტიასთან ერთად წარმოადგინოს საქონლის წარმოშობის სერთიფიკატი და ხარისხის დამადასტურებელი დოკუმენტი ან/და შესაბამისობის სერტიფიკატი. ხოლო ადგილობრივი წარმოების შემთხვევაში მხოლოდ ხარისხის დამადასტურებელი დოკუმენტი ან/და შესაბამისობის სერტიფიკატი.
- 6.4.2.** მოწოდებელი ვალდებულია შემსყიდველის მოთხოვნის შემთხვევაში 10 სამუშაო დღის ვადაში წარმუდგინოს მას სსიპ „ლევან სამხარაულის სახელობის სასამართლო ექსპერტიზის ეროვნული ბიუროს“ ან სხვა აკრედიტირებული ორგანიზაციის მიერ გაცემული დასკვნა (გამოცდის ოქმით) პროდუქტის ორგანოლებტიკური, ფიზიკო-ქიმიური, მიკრობიოლოგიური და სანიტარულ ჰიგიენური პარამეტრების შესახებ; ცხიმისა და ცილის შემცველობის შესახებ.
- 6.4.3.** ხარისხის დადგენილ სტანდარტებთან შესაბამისობის განსაზღვრის მიზნით, სატენდერო კომისია უფლებამოსილია, 2019 წლის განმავლობაში არაუმეტეს ორჯერ განახორციელოს ექსპერტიზის ეროვნული ბიუროში აღება ნებისმიერ შემსყიდველ ორგანიზაციაში და სსიპ „ლევან სამხარაულის სახელობის სასამართლო ექსპერტიზის ეროვნული ბიუროში“ ან სხვა აკრედიტირებული ორგანიზაციაში შემოწმება. შემოწმებას უზრუნველყოფს მიმწოდებელი (მათ შორის ხარჯების ანაზღაურებას). ლაბორატორიული შემოწმების ოქმებში მითითებული უნდა იყოს პროდუქტის ორგანოლებტიკური, ფიზიკო-ქიმიური, მიკრობიოლოგიური და სანიტარულ ჰიგიენური პარამეტრები, აგრეთვე ცხიმისა და ცილის შემცველობა.
- 6.4.4.** ხარისხის დადგენილ სტანდარტებთან შესაბამისობის განსაზღვრის მიზნით, შემსყიდველი ორგანიზაცია უფლებამოსილია, 2019 წლის განმავლობაში არაუმეტეს ოთხჯერ განახორციელოს საქონლის ნიმუშის აღება და სსიპ „ლევან სამხარაულის სახელობის სასამართლო ექსპერტიზის ეროვნული ბიუროში“ ან სხვა აკრედიტირებული ორგანიზაციაში შემოწმება. შემოწმებას უზრუნველყოფს მიმწოდებელი (მათ შორის ხარჯების ანაზღაურებას). ლაბორატორიული შემოწმების ოქმებში მითითებული უნდა იყოს პროდუქტის ორგანოლებტიკური, ფიზიკო-ქიმიური, მიკრობიოლოგიური და სანიტარულ ჰიგიენური პარამეტრები, აგრეთვე ცხიმისა და ცილის შემცველობა.
- 6.4.5.** შემსყიდველის მოთხოვნის შემთხვევაში პრეტენდენტი ვალდებულია ხელშეკრულების გაფორმებამდე წარუდგინოს მას ინფორმაცია იმ პირების შესახებ, ვინც განახორციელებს უშუალოდ საქონლის მიწოდებას. აგრეთვე, იმ სატრანსპორტო საშუალებების შესახებ რომლითაც განხორციელდება საქონლის მიწოდება. აღნიშნული პირების/სატრანსპორტო საშუალების ცვლილების შემთხვევაში მიმწოდებელი ვალდებულია წინასწარ მოახდინოს შემსყიდველის ინფორმირება
- 6.5.** შემსყიდველსა და მიმწოდებელს შორის მიღება-ჩაბარების ეტაპზე წარმოშობილი დავის შემთხვევაში, უნდა მოხდეს სადაც საქონლის ნიმუშის დალუქვა და სსიპ „ლევან სამხარაულის სახელობის სასამართლო ექსპერტიზის ეროვნულ ბიუროში“ ან სხვა აკრედიტირებული პირიში ტრანსპორტირება მიმწოდებლის მიერ, მისივე ხარჯებით. იმ შემთხვევაში, თუ ექსპერტიზა დაადგენს, რომ საქონელი არ შეესაბამება ხელშეკრულებით გათვალისწინებულ პარამეტრებსა და მოთხოვნებს, ექსპერტიზის ხარჯებს ანაზღაურებს მიმწოდებელი, ხოლო იმ შემთხვევაში, თუ ექსპერტიზა დაადგენს, რომ საქონელი შეესაბამება ხელშეკრულებით გათვალისწინებულ პარამეტრებსა და მოთხოვნებს, ექსპერტიზის ხარჯებს ანაზღაურებს შემსყიდველი, ხელშეკრულების 6.4 პუნქტით განსაზღვრული შემთხვევებისა
- 6.6.** პროდუქტის დადგენილ სტანდარტებთან შესაბამისობის განსაზღვრის მიზნით, შემსყიდველი უფლებამოსილია საწარმოში/სასაწყობე ფართში ინსპექტირების მიზნით მიმართოს შესაბამის ორგანოებს
- 6.7.** მიმწოდებელი ვალდებულია საკუთარი ხარჯებით უზრუნველყოს კონტროლის შედეგად გამოვლენილი ყველა დეფექტის ან ნაკლის აღმოფხვრა და წუნდებული საქონლის ახლით შეცვლა
- 6.8.** საქონლის მიღება წარმოებს მიღება-ჩაბარების აქტის სახით. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელმოწერით. საქონლის მიწოდება უნდა განხორციელდეს დღის განმავლობაში არაუგვიანეს 17:30 სთ-ისა. 17:30 სთ-ის შემდეგ „შემსყიდველი“ უფლებამოსილია უარი თქვას საქონლის მიღებაზე. თუ მხარეთა მიერ სხვა რამ არ არის განსაზღვრული ხელშეკრულებით
- 6.9.** თუ მხარეთა შორის შეთანხმებული გეგმა-გრაფიკის თანახმად, მიწოდება ხორციელდება სამუშაო დღეს და კონკრეტული დღე ემთხვევა ოფიციალურ დასვენების დღეს, მიწოდების დღე უნდა შეთანხმდეს შემსყიდველთან

## 7. ანგარიშსწორების წესი

- 7.1. მიმწოდებელთან ანგარიშსწორება განხორციელდება უნაღდო ანგარიშსწორების ფორმით ეროვნულ ვალუტაში და უნდა მოიცავდეს საქართველოს კანონმდებლობით დადგენილ ყველა გადასახადს
- 7.2. ანგარიშსწორება განხორციელდება 2019 წლის სახელმწიფო ბიუჯეტით

**7.3.** შემსყიდველი ორგანიზაცია ვალდებულია, ანგარიშსწორება განახორცილოს მიწოდებულ საქონელზე მიღება—ჩაბარების აქტის შსს შესაბამისი სამსახურის მიერ ეკონომიკურ დეპარტამენტში წარმოდგენის შემდეგ არაუგვიანეს 10 სამუშაო დღის ვადაში.

**7.4.** შემსყიდველის მოთხოვნის შემთხვევაში, მიმწოდებელი ვალდებულია შემსყიდველ ორგანიზაციაში წარადგინოს საავანსო საბანკო გარანტია, შემსყიდველის მიერ მითითებულ თანხაზე (მაგრამ არაუმეტეს სახელშეკრულებო დირექტულების 20%-სა), იმ მიზნით რომ 2019 წლის 23 დეკემბრიდან 2020 წლის 30 იანვრის ჩათვლით მისაწოდებელი საქონლის ანაზღაურება განხორციელდეს 2019 წლის საბიუჯეტო ასიგნებების ფარგლებში.

**7.5.** მიმწოდებელმა არაუგვიანეს 2019 წლის 23 დეკემბრისა უნდა წარუდგინოს შემსყიდველს შესაბამის თანხაზე გაცემული უპირობო და გამოუთხოვადი საავანსო საბანკო გარანტია (საავანსო საბანკო გარანტია წარმოდგენილი უნდა იქნას საქართველოს ეროვნული ბანკის მიერ ლიცენზირებული საბანკო დაწესებულებიდან ან სსიპ „საქართველოს დაზღვევის სახელმწიფო ზედამხედველობის სამსახურის“ მიერ ლიცენზირებული სადაზღვევო კომპანიიდან, ეროვნულ ვალუტაში - ლარში), რომლის მოქმედების ვადა 30 (ოცდაათი) კალენდალური დღით უნდა აღმატებოდეს ხელშეკრულების გათვალისწინებული საქონლის მიწოდების ვადას. თავის მხრივ შემსყიდველი ვალდებულია არაუგვიანეს 2019 წლის 17 დეკემბრისა აცნობოს მიმწოდებელს, რომ იგი ითხოვს საავანსო საბანკო გარანტიის წარმოდგენას

## 8. ხელშეკრულების შესრულების შეფერხება

**8.1.** თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ, რაც შეიძლება მოკლე დროში უნდა აცნობოს მეორე მხარეს მის მიერ მიღებული გადაწყვეტილება აღნიშნულ გარემოებრთან დაკავშირებით

**8.2.** იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით

## 9. ხელშეკრულების შესრულების უზრუნველყოფის გარანტია

**9.1.** ხელშეკრულების შესრულების უზრუნველყოფის მიზნით მიმწოდებელმა ხელშეკრულების გაფორმებამდე წარმოადგინოა, ხელშეკრულების უზრუნველყოფის უპირობო გამოუთხოვადი საბანკო გარანტია, რომელიც გაცემულია 2019 წლის 04 აპრილს სს პროკრედიტ ბანკის მიერ - სერიული ნომერი N1801012 - საერთო თანხით - 5450 ლარი, რომელიც წარმოადგენს ხელშეკრულების განუყოფელ ნაწილს და მისი მოქმედების ვადაა 2020 წლის 02 მარტის ჩათვლით

**9.2.** ხელშეკრულების შესრულების უზრუნველყოფის საბანკო ან სადაზღვევო გარანტიის მოქმედების ვადა უნდა განისაზღვრებოდეს მინიმუმ 2020 წლის 01 მარტის ჩათვლით

**9.3.** თუკი მიმწოდებელს შესრულებული აქვს ყველა ვალდებულება, იგი უფლებამოსილია შემსყიდველი ორგანიზაციიდან გამოითხოვოს საბანკო გარანტია

**9.4.** ხელშეკრულების უზრუნველყოფის უპირობო გამოუთხოვადი საბანკო გარანტიის ოდენობა განისაზღვრება ხელშეკრულების ჯამური ღირებულების 5%-ის ოდენობით

**9.5.** მიმწოდებლის მიერ ხელშეკრულებით ნაკისრი ვალდებულების სრულად შესრულების შემდეგ შემსყიდველი ორგანიზაცია ვალდებულია დაუბრუნოს საბანკო გარანტია წერილობითი მოთხოვნიდან 14 დღის განმავლობაში

## 10. ხელშეკრულების პირობების შეუსრულებლობა

**10.1.** მიმწოდებლის მიერ ხელშეკრულების პირობების შეუსრულებლობის, არაჯეროვანი შესრულების ან/და დაგვიანებით შესრულების შემთხვევაში გამოიყენება, სანქციები, რომელთა ფორმა, ოდენობა, ამოქმედების პირობები განსაზღვრულია წინამდებარე ხელშეკრულებითა და შესაბამისი სატენდერო დოკუმენტაციით

**10.2.** წინამდებარე ხელშეკრულებით გათვალისწინებული ვადების დარღვევის შემთხვევაში, თუ ვადის გადაცილება ეხება საქონლის მიუწოდებლობას (მათ შორის ხარვეზის ან/და ნაკლის გამოსწორების ვადა) შემსყიდველი უფლებამოსილია დააკისროს მიმწოდებელს პირგასამტებლო ყოველ ვადაგადაცილებულ დღეზე ვადაგადაცილებით მიწოდებული საქონლის 0,2%-ის ოდენობით, მაგრამ არანაკლებ დღეში 150 (ასორმოცდაათი) ლარისა

**10.3.** წინამდებარე ხელშეკრულებით გათვალისწინებული ანგარიშსწორების ვადის დარღვევის შემთხვევაში, მიმწოდებელი უფლებამოსილია დააკისროს შემსყიდველს პირგასამტებლო ყოველ ვადაგადაცილებულ დღეზე, მიმწოდებლისათვის ჩასარიცხი თანხის 0,2%-ის ოდენობით

**10.4.** წინამდებარე ხელშეკრულებით გათვალისწინებული ვადების დარღვევის შემთხვევაში, გარდა ხელშეკრულების 10.2. პუნქტით გათვალისწინებული შემთხვევისა, შემსყიდველი უფლებამოსილია დააკისროს

მიმწოდებელს პირგასამტეხლო ყოველ ვადაგადაცილებულ დღეზე ხელშეკრულების ღირებულების 0,1%-ის ოდენობით, მაგრამ არანაკლებ დღეში 150 (ასორმოცდაათი) ლარისა

**10.5.** წინამდებარე ხელშეკრულებით გათვალისწინებული ვალდებულების ნაწილობრივ შეუსრულებლობის შემთხვევაში, თუ ნაწილობრივი შეუსრულებლობა ეხება საქონლის მიუწოდებლობას და შემსყიდველ ორგანიზაციას აღარ გააჩნია აღნიშნულის შესრულების ინტერესი, შემსყიდველი უფლებამოსილია დააკისროს მიმწოდებელს პირგასამტეხლო შესასრულებელი ვალდებულების შესაბამისი ღირებულების 5%-ის ოდენობით, მაგრამ არანაკლებ 700 (შვიდასი) ლარი

**10.6.** წინამდებარე ხელშეკრულებით გათვალისწინებული ვალდებულების ნაწილობრივ შეუსრულებლობის შემთხვევაში, გარდა ხელშეკრულების 10.5. პუნქტით განსაზღვრული შემთხვევისა ან/და ლაბორატორიული დასკვნების ვადაგადაცილების/წარმოუდგენლობისა, მხარე უფლებამოსილია დააკისროს დამრღვევ მხარეს პირგასამტეხლო ხელშეკრულების ღირებულების 1%-ის ოდენობით, მაგრამ არანაკლებ 70 (სამოცდაათი) ლარისა

**10.7.** უარყოფითი ლაბორატორიული დასკვნის (უარყოფითად ჩაითვლება ლაბორატორიული დასკვნა, სადაც კვლევის ობიექტის (პროდუქტის) ნებისმიერი პარამეტრი/მონაცემი არ შეესაბამება საქართველოში მოქმედ კანონმდებლობას, სტანდარტებს, ან/და წინამდებარე ხელშეკრულებას) წარმოდგენის შემთხვევაში შემსყიდველი უფლებამოსილია მიმწოდებელს დააკისროს პირგასამტეხლო ხელშეკრულების ღირებულების 1%-ის ოდენობით, ხოლო თუ შეესაბამობა ეხება ისეთ პარამეტრს/მონაცემს, რომელმაც შესაძლებელია საფრთხე შეუქმნას ადამიანის სიცოცხლეს ან/და ჯანმრთელობას ხელშეკრულების ღირებულების 5%-ის ოდენობით. ასეთ შემთხვევაში, შემსყიდველი უფლებამოსილია მიმართოს სატენდერო კომისიას ხელშეკრულების შეწყვეტის თაობაზე, საკითხის გადაწყვეტის მიზნით

**10.8.** მიმწოდებლის მიერ ხელშეკრულებით ნაკისრი ვალდებულებების 3-ჯერ ან მეტჯერ დარღვევის შემთხვევაში, შემსყიდველი ორგანიზაცია უფლებამოსილია მიმართოს სატენდერო კომისიას ხელშეკრულების შეწყვეტის თაობაზე, საკითხის გადაწყვეტის მიზნით

**10.9.** მიმწოდებლის მიერ კანონმდებლობით და კონსოლიდირებული ტენდერის შედეგად ნაკისრი ვალდებულებების შეუსრულებლობის ან/და არაჯეროვანი შესრულების შემთხვევაში, რომელი გარემოებების გათვალისწინებითაც შემსყიდველი ორგანიზაცია მიიჩნევს მიზანშეწონილად ხელშეკრულების შეწყვეტას, იგი უფლებამოსილია მიმართოს სატენდერო კომისიას ხელშეკრულების შეწყვეტის თაობაზე საკითხის გადაწყვეტის მიზნით

**10.10.** ხელშეკრულების შეწყვეტის თაობაზე შემსყიდველის მომართვის შემთხვევაში, სატენდერო კომისია, უფლებამოსილია იმსჯელოს კონკრეტული ხელშეკრულების ან/და კონსოლიდირებული ტენდერის ფარგლებში გაფორმებული სხვა ხელშეკრულებ(ებ)ის შეწყვეტის თაობაზე, გადაწყვეტილების მიღების დროს სატენდერო კომისია ხელმძღვანელობს პროპორციულობის, მიზანშეწონილობისა და თანაზომიერების პრინციპებით

**10.11.** სატენდერო კომისიის მიერ ხელშეკრულების შეწყვეტის შესახებ მითითების შემთხვევაში, შემსყიდველი ორგანიზაცია წყვეტს ხელშეკრულებას, რის შედეგადაც მიმწოდებელს ჩამოერთმევა ხელშეკრულების შესრულების უზრუნველყოფის საბანკო გარანტია

**10.12.** ჯარიმისა და პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან

## 11. ხელშეკრულებაში ცვლილების შეტანა

11.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე

**11.2.** ხელშეკრულება შეიძლება შეწყდეს მხარეთა ურთიერთშეთანხმების საფუძველზე

11.3. ერთი მხარის მიერ მეორისგან მიღებული საქმიანობასთან დაკავშირებული მთელი ინფორმაცია ითვლება მკაცრად კონფიდენციალურად ამ შეთანხმების, როგორც ხელშეკრულების მოქმედების ვადის განმავლობაში, ასევე, ხელშეკრულების მოქმედების ვადის გასვლის შემდგომ. მხარეები მიიღებენ ყველა აუცილებელ ზომას იმისათვის, რომ არ დაუშვან მესამე პირთან მიღებული ინფორმაციის გახმაურება.

**11.4.** ხელშეკრულების საბოლოო ღირებულება განისაზღვრება ფაქტობრივად მიწოდებული შესყიდვის ობიექტის ღირებულების შესაბამისად, რაც არ საჭიროებს დამატებით შეთანხმებას

## 12. ფორს-მაჟორი

12.1. მხარეები თავისუფლდებიან ხელშეკრულებით გათვალისწინებული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შეუძლებლობის შესახებ

- 12.2.** თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ წერილობითი ფორმით აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებების შესრულებისაგან
- 12.3.** მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე

**13. დავები და მათი გადაწყვეტის წესი**

- 13.1.** ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად

**14. სხვა პირობები**

- 14.1.** არც ერთ მხარეს არ აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე
- 14.2.** მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით

**15. ხელშეკრულების მოქმედების ვადა**

ხელშეკრულება ძალაში შედის 2019 წლის 08 აპრილიდან და მოქმედებს 2020 წლის 01 მარტამდე.

**მხარეთა მიერ გამოყენებულია ელექტრონული ხელმოწერები**

ფასების ცხრილი

პრეზუნდენტის დასახელება — შპს „კავკასია პლიუს“

N	საქონლის დასახულება	წარმოშობის ქვეყანა/ მწარმოებელი ფირმა	ტექნიკური მახსაობებები	განზ მასი (ლარი)	რაოდ	ერთეულის ფასი (ლარი)	საერთო ღირებულება (ლარი)	მიწოდების ადგილი
1	საქონლის (ძროხის) ხორცის პაშტეტი	შპს "ОНИСС" უკრაინა	იხ. დანართი	38	10 000	10.99	109 900	შემსყიდვების მოთხოვების შესაბამისად, მოთხოვნიდან 45 კალუქდარული დღის განმავლობაში
მთლიანი ჯამი (ლარი)							109 900	

## ტექნიკური პირობა

საქონლის (ძროხა) ხორცის პაშტეტი - არის უმაღლესი ხარისხის, ფერი, სუნი და გემო დამახასიათებელი გარკვეული ნიმუშისთვის. წონით 100 გრ დასაშვები ცდომილება  $+/- 5\%$ . ენერგეტიკული ღირებულება 100 გრამ პროდუქტში არანაკლებ 165 კვალ. ცხიმიანობა არაუმეტეს 15%-სა. ცილის მასიური წილი არანაკლებ 12%. არ შეიცავს ხორცის შემცვლელ ინგრედიენტებს, ადამიანის ორგანიზმისთვის საშიშ და აკრძალულ საკვებ დანამატებს (საღებავების, კონსერვანტებისა და ემულგატორების სახით). დაფასოებულია თუნუქის ქილებში. შესაბამისი მარკირებით. მოხმარების ვარგისიანობის ვადა გამოშვებიდან 2 წელი, მიწოდებიდან 22 თვე. სურსათი აკმაყოფილებს საქართველოს კანონმდებლობით დადგენილ მოთხოვნებს.



პროკრედიტ ბანკ  
ProCredit Bank

04.04.2019

Georgia

ProCredit Bank, 21 Al. Kazbegi Ave., 0160 Tbilisi, Georgia  
პროკრედიტ ბანკი, ა. ყაზბეგის გამზ. 21, 0160 თბილისი

სათავო ოფიცი  
საქორესპონდენტო ურთიერთობის  
ქვეგანყოფილება

ბენეფიციარი:

საქართველოს შინაგან საქმეთა სამინისტრო

(ს/კ 204383176)

თბილისი, გ. გულას ქ. №8

ადმინისტრატორი : თამთა ჯლარკავა

ტელეფონი : +995 32 2202222 (შიდა 1280)

ფაქსი : +995 32 2202223

ელ-ფოსტა : t.jgarkava@procreditbank.ge

თარიღი : 04.04.2019

### ხელშეკრულების შესრულების საბარანტიო უზრუნველყოფა

მხედველობაში ვიღებთ რა, რომ შპს „კავკასია პლიუსი“-ს (თბილისი, დ. აღმაშენებლის გამზ. №97; საიდენტიფიკაციო კოდი: 205083201), (შემდგომში „მიმწოდებელი“) საქართველოს შინაგან საქმეთა სამინისტროს მიერ გამოცხადებულ ტენდერში (CON190000183) წარდგენილი თავისი სატენდერო წინადადების შესაბამისად იკისრა ვალდებულება წარმოადგინოს საბანკო გარანტია მასზე გასაფორმებელი ხელშეკრულებით დაკისრებული ვალდებულებების შესრულების გარანტიის სახით ხელშეკრულებაში მითითებულ თანხაზე, ჩვენ თანახმა გართ გავცეთ მიმწოდებლის სახელზე ზემოთ აღნიშნული გარანტია.

ამასთან დაკავშირებით, ვიღებთ გამოუთხოვად ვალდებულებას და ვადასტურებთ რომ გართ გარანტები და პასუხისმგებლები თქვენს წინაშე მიმწოდებლის სახელით თანხაზე

**5,450.00 (ხუთი ათას ოთასორმოცდაათი) ლარი**

ს.ს. „პროკრედიტ ბანკი“ იღებს გამოუთხოვად და უპირობო ვალდებულებას გადაუხადოს ბენეფიციარს ყოველგვარი გასახივრებისა და უარყოფის გარეშე საბანკო გარანტიის ზღვრული თანხა ბენეფიციარისაგან პირველივე წერილობითი შეტყობინების მიღებისთანავე, რომელშიც აღნიშნული უნდა იყოს, რომ დაირღვა პრინციპალის მიერ ბენეფიციარის წინაშე ხელშეკრულებით ნაკისრი ვალდებულება

წინამდებარე გარანტიის მოქმედების ვადაა 2020 წლის 02 მარტის ჩათვლით

წერილობითი მოთხოვნა საგარანტიო თანხის გადახდაზე წარედგინება ბანკს გარანტიის მოქმედების ვადის დასრულებამდე შემდეგ მისამართზე: სს „პროკრედიტ ბანკი“, საოთაო ოფიციალური აღმზ. 21, 0160 თბილისი, საქართველო.

საბანკო გარანტია უქმდება საქართველოს კანონმდებლობით გათვალისწინებულ შემთხვევებში.  
პატივისცემით,

ს.ს „პროკრედიტ ბანკი“, საქართველო

ნიკა შალამბერიძე

საკრედიტო რისკების  
სექციალისტი  
  
Part of the  
ProCredit Group

მიხეილ ქუტაშვილი

საკრედიტო რისკების  
სექციალისტი  
  
Tell / ტელ: +995 (0) 32 2202222  
Fax / ფაქს: +995 (0) 32 2202223  
info@procreditbank.ge  
www.procreditbank.ge

თამთა ჯლარკავა

გამორისდის დატინანსების  
სამსახურისტი  
  
JSC ProCredit Bank / ს.ს. პროკრედიტ ბანკი  
SWIFT / BIC : MIBGGE22  
Tax-Reg.-No / საიდენტიფიკაციო ცოდნა:  
204851197